

## International Training Program (ITP)

# On-Site Education of Practice Languages for Area Studies

### Report in 2010

—Maale, Addis Ababa University, Ethiopia, 3 Aug. 2010 – 3 Feb. 2011—

Year of Enrollment: 2010

Graduate School of Asian and African Area Studies

Haruka Arii

#### On My research theme and Language Training

Hattza Afrika achoida mirge naata timrt maari aadane. Yaa gudi Etiopia naata dibi timrt tamarane. Gin mirge meto keskene. Lemsale ukko ukko naata timrt gerettsiro, metzaaf baaya, oita baaya, kifl baaya, astamari baaya mai, pruttisane. Mele meto geeto katama nannga aso mirge timrt tamaragudi gurudo aso tamaritwaase. Atinke nai mirge tamaragudi wudoro nai tamaritwaase. Yaa gudi baazi erani koa aso mengist tzaaafatzi zagi erene. Aso wodidai gei acho nangi zagi era aso dakkake. Yaaro taani Maalo acho nangi asokora intsi aigo madai? Oochi ochi timrt tamaratsi Maalo asom qaramo puruttadai erandane.

Taani hanno timrtoida Maalo muuchoa tamarene. Majamrya Jinkaida astamari tana eruzene. Ingrizennya na Maalo muuchona izi tana eruzene. Taani izokora gobe qanu aadi tamarene. Zaga baazi sntzo ochi, yaa erao gintsa ta erani koatsi baazi taani izom ingrizenyana ochi izi Maalo muuchona woziga gaandai izi tana eruzene. Taani timurt baa saato Maalo asokora nangene. Yaatana Maalo muuchona gesti gesti akko baazi erene. Majamrya ebi sntzo ochi tzaafene. Hanna aigodai? Ta denkabaazi biya sntzo ochene. Hattza aso gaatzi biya baazi tzaafi fette fette erene. Dakka dakka gesti eraza eribaaya baazi Maalo muuchona ochene. Fette aso twaate miruge aso na fette baazi ochi giigishene. Yaagudi tamarao akko baazi ukko ukko erene. Taani nangatsi maara asa tana kossi eruzene. Taani mokketzi saament ado tana ekki wolla hanti tana eruzene. Ado madetzi ta zagi zagi Maalo muuchoa erene.

Aitzo aginni yaatokora nangao miruge aso takora ochene. Neeni woddi Maalo muuchoa tamarei? Ne gappusi erene. Aitzo aginni lelli nangi gafisetsi ne gobake. Taani gobe gize mahene. Taani goba towasi. Ta acho aso ta maara aso kabbado goobake. Yaata tana kossi eruzene. Taani intzina yaatana kossi gesti koatziro ukko ukko tamarene. Izi geene. Hattza taani asona gestani geeto deepi meta baase. Gin taani taako tenaato baazi ochani koeto ta erubaa baazi aane. Yaaro taani hagi eratzi koisane.